

## Borred.

nichts weiters sagen/ allein zum beschluß das melden/ daß er nach seiner aufflösung seines jrrdischen Corps/ der zu Salzburg bey S. Sebastian ehrlich begraben ligt/ in dem Paradeiß in ewiger frewd vnnd ruhemit allen Außerwehlten vnnd h. Engeln/ das himmlische Manna vnnd Engelbrot am Tisch I E S V C H R I S T I isset/ vnnd den Heiligen Nectar, als ein Newgeborene Ereatur mit einem hünlischen vnnd clarificierten Leib allbereit schon vmbgeben/ vnnd das A Z O T H mit Güldenen Buchstaben auff seiner Brust vnd herzen geschrieben vor allen des Paradeiß eynewohnern mit ehren vnd frewden ostendiert/ vnd seine frewde vnd wohne/ an Gottes anschawen mit jubilieren vnd jauchzen vnnd lob singen hat vnd vollführt bis an jüngsten Tag. Und dis hab ich dir / verächter vnnd spöteern der Magnalien. Gottes so in THEOPHRASTO bey lebzeiten sich erzeigt/ vnnd von dir verachtet/ verlacht/ vnd verspottet/ vnd die person auch vnschuldig verfolget worden/ zu truʒ vnd hohn melden wollen: vnd du Eacosophist/ vñ Spöteer der hohen Gaben Gottes/ vnd dieses Thewren Rüstzeugs (Fuit enim Miraculum Mundi.) Wirst der mal eins sehen/ vnd mit ach vnd wehe erfahren/ in wen du wirst gestochen haben. Sintemal Gott in den seinigen will vnerachtet sein. Qui vos contemnit, me contemnit, vnd da wirdt es gehen nach des Weisen Manns sentenz/ Stabunt iusti in magna Constantia adversus eos, qui angustiaverunt eos in vita; &c.

Damit ich aber zum endt meines propositi widerumb mutlich gelangen möge vmb dessen willen/ Grossgünstige Geliebte Herren vnd Freund dieser Sermon an Euch instituiret worden (denn Euch sondes zweiffels bedüncken wirdt/ Als were ich gar vom Scopo ad aliena abgewichen/ die hieher diß orts nicht gehörten.) So sage ich noch ein mahl/ weil in Philosophia seine Theophrasti Scripta bey Euch in grossem mangel/ vnd seer auf dem Lande komme/ wie auch anderer Philosophen/ die vom Ge- benedyten Stein der vhralten Weysen geschrieben/ Gott lob in zimlicher Copia bey vns im Reich zu finden/ daraus ein Liebha- ber Philosophiae Chymicæ & Spagyricæ zimlich flaren vnd gu- ten bericht haben vnd schöpffen kan: Hergegen aber wir der Ma-

: : : ij